

Вольбы до органів самосправных країв

Інформації про воліча

I

Датум і час волеб

Вольбы до органів самосправных країв будуть
в суботу 4. новембра 2017 од 7:00 до 22:00 години

II

Право волити

Право волити до органів самосправных країв мать обчан Словацькой републикы і чуждінець, котрого місце стабільного бываня належить до теріторії самосправного краю або мать місце стабільного бываня у воєньскім обводі, котрый односно волеб до органів самосправного краю спадать до ёго теріторії (дале лем „жытель самосправного краю“) і найпізніше в день волеб досяг 18 років віку.

Конфліктом з правом волити є:

- законне окліщія особной слободы выпливаюче з охрани верейного здравя,
- заарештованя за барз важный злочін.

III

Право быти воленым

За посланця заступительства самосправного краю може быти zvolenый жытель самосправного краю, котрого місце стабільного бываня належить до теріторії самосправного краю або мать місце стабільного бываня у воєньскім обводі, котрый належить до теріторії волебного обводу в котрім кандідує, і найпізніше в день волеб досяг 18 років віку.

За председу самосправного краю може быти zvolenый жытель самосправного краю, котрый найпізніше в день волеб досяг 25 років віку.

Конфліктом з правом быти воленым є:

- заарештованя,
- правоплатне одсуджіня за напланованный крiмiналный чiн, покы одсуджіня не было заглажене,
- однятя способности робити правны дiла.

IV

Способ голосованя

Воліч може волити лем в селі/місті свого стабільного бываня у волебнім раєні, в списку котрого є записанный.

Воліч по вступі до волебной містности є повинный превказати обводній волебній комісії свою тотожность обчаньсков легітімаціов або документом о перебуваню чуждінца.

Потім обводна волебна комісія закружує число воліча в списку волічів і видасть волічови два листы на голосованя - лист на голосованя на вольбы до заступительства і лист на голосованя на вольбы председателя самосправного краю і порожню копертку з уряднов печатков села (міста або міської часті). **Перевзяття листів на голосованя і копертки потвердить воліч у списку волічів властноручным підписом.**

Каждый воліч повинен піти перед голосованєм до виділеної часті містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

На листі на голосованя при вольбах до заступительства може воліч закружувати найвеце тільки чисел кандидатів, кільки посланців мать быти в данім волебнім обводі зволеных. (Число посланців, котре ся волить у волебнім обводі, є уведжене на листі на голосованя.)

На листі на голосованя при вольбах председателя може воліч закружувати число лем єдного кандидата.

У часті виділеній на управу листів на голосованя вложить воліч до копертки єден лист на голосованя при вольбах председателя самосправного краю. Воліч голосує так, же як одыйде з виділеної часті містности, котра служить на управу листів на голосованя, вложить копертку до волебной урны.

На пожадания воліча обводна волебна комісія му выдасть за неправилно управлены листы на голосованя іншы. Неправилно управлены листы на голосованя воліч вложить на місто виділене на одложія несхоснованых листів на голосованя.

Воліч, котрый не може сам управити лист на голосованя із здравотных причін або зато, же не може читати ці писати і перед голосованєм поінформує о тім факті обводну волебну комісію, має право взяти із собов до виділеної часті на управу листів на голосованя іншу способну особу, жебы подля ёго інштрукцій управила лист на голосованя і вложила го до копертки. Обидві особы перед вступом до виділеної часті на управу листів на голосованя член обводной волебной комісії поучить о способі голосованя, о основі трестного skutку маріня приправи і ходу волеб. Членове обводной волебной комісії не сміють волічам управлєвати листы на голосованя.

Місто воліча, котрый не може із здравотных причін сам вложити копертку до волебной урны, може ю до нєй на ёго жадость і в ёго притомности вложити інша особа, але не член волебной комісії.

Воліч, котрый не може прийти до волебной містности із важных, главно здравотных причін, має право пожадати обводну волебну комісію голосовати до переносной волебной урны, а то лем на теріторії волебного обводу, про котрый была обводна волебна комісія створена.

Воліч повинен одложити несхоснованы листы на голосованя або неправилно управлены листы на голосованя до запечатованой ладічки на несхоснованы або неправилно управлены листы на голосованя, інакше ся допустить переступлїня, за котре дістане покуту 33 євра.